

Тошкент шаҳри

“27” Январ 2022 йил

Кейинги ўринларда “Ижрочи” деб юритиладиган “Тошйўловчитрансхизмат” УК номидан Низом асосида иш кўрувчи директор Атажанов А.И., бир томондан, ва кейинги ўринларда “Буюртмачи” деб юритиладиган Ўзбекистон Республикаси АТБ Аҳолининг ҳаёқароли

(корхона, ташкилотнинг номи)

номидан Шайхонжон асосида иш кўрувчи Ш. Шайхонжон,  
(корхона, ташкилот раҳбарининг фамилияси, исми, шарифи)

иккинчи томондан, шартнома бўйича биргаликда “Томонлар”, “Тошшаҳартрансхизмат” АЖниг 2020 йил 18 ноябрдаги 204-сонли буйруғига асосан “Тошшаҳартрансхизмат” АЖ қайта ташкил этиш йўли билан “Тошйўловчитрансхизмат” УКни ажратиб чиқариш ва фаолиятини қайта тиклаши сабабли, мазкур шартномани қуйидагилар ҳақида туздилар:

### I. Шартнома мавзуси

1.1. Ушбу шартнома шартларига асосан “Буюртмачи” буюртма беради ва буюртма ҳақини тўлайди, “Ижрочи” эса Тошкент шаҳри йўловчи ташиш транспортда юриш учун транспорт карталари сотади ва уларни ҳисобини тариф режалари билан тўлдиради.

### II. Тўловлар тартиби

2.1 “Ижрочи” томонидан транспорт карталари “Буюртмачи” га олдиндан 100 % пул маблағлари тўланиб, “Ижрочи” нинг ҳисоб рақамига келиб тушгандан сўнг ҳамда ушбу маблағлар миқдорида, “Буюртмачи” нинг кафолатли шахслари орқали ўрнатилган тартибда расмийлаштирилган ишончнома ҳамда шахсга тегишли паспортнинг асл нусхаси тақдим этилган тақдирда, сотилаётган кундаги прејскурант нархларига мувофиқ қўшимча қиймат солиғисиз сотилади.

2.2. “Буюртмачи”нинг кафолат хати асосида, “Буюртмачи” томонидан олинадиган транспорт карталари ва тариф режалари қийматининг 15 %дан кам бўлмаган миқдорида олдиндан ҳақ тўланган ҳолда, “Ижрочи” томонидан транспорт карталари берилиши ва тариф режалари тўлдириши мумкин. Бу ҳолда “Томонлар” қарз бўлган пул маблағлари бўйича солиштириш далолатномаси тузишлари шарт.

### III. “Томонлар”нинг мажбуриятлари

#### 3.1. “Ижрочи” ўзига қуйидаги мажбуриятларни олади:

3.1.1. Ҳар ойда “Буюртмачи” томонидан транспорт карталарига тариф режаларини тўлдириш учун олдиндан ўтказилган пул маблағига асосан қуйидаги манзилда амалга оширилади: 100100 Тошкент шаҳри, Юнусобод тумани, Амир Темур 1 тор-кўчаси, 6-уй.

3.1.2. “Ижрочи” ҳар ойнинг 20 санасидан бошлаб транспорт карталарини сотиш ва тўлдириш учун “Буюртмачи”дан буюртма қабул қилади ва ҳужжатларни расмийлаштиради. Ҳар ойнинг 20 санасидан 25 санасигача соат 8-00 дан 17-00 гача (12-00 дан 13-00 гача танаффуздан ташқари, шанба ва яқшанба дам олиш кунлари.) “Буюртмачи” га расмийлаштирилган ҳужжатларга асосан транспорт карталари берилади ва уларга тариф режалари ўтқизиб берилади.

“Ижрочи” имтиёзли транспорт картани сотишдан олдин, “Буюртмачи” томонидан имтиёзли транспорт картасидан фойдаланадиган ходимнинг шахсини тасдиқловчи ҳужжатнинг нусхаси ва гувоҳнома нусхасини қабул қилиб олади.

3.1.3. “Ижрочи” томонидан транспорт карталари ва уларга тўлдирилган тариф режалари счёт-фактура-юк хати асосида “Буюртмачи”га берилиб, унда транспорт карталари ва тўлдирилган тариф режаларини сони (доналарда), нархи, жами суммаси, серияси ва рақамлари, шунингдек қолдик суммаси кўрсатилади.

3.1.4. “Ижрочи” томонидан транспорт карталари ва тариф режалари “Буюртмачи”га ўтқизиб бериладиган вақтида, уларнинг нархлари ўзгарган тақдирда, “Буюртмачи” томонидан тўловнинг қайси кунда амалга оширилганидан қатъий назар, “Буюртмачи” нинг ишончномаси, қўшимча тўланган пул маблағи ҳақидаги тўлов топшириқномаси ва банкдан “Ижрочи” нинг ҳисоб рақамига пул ўтказилганлигини тасдиқловчи ҳужжат бўлган тақдирда, шу кундаги ўрнатилган нархда сотилади.

**3.1.5. “Буюртмачи” “Ижрочи”** нинг счёт-фактура-юк хати бўйича қолдиқ пул маблағларига норозилик билдирса, у ҳолда “Ижрочи” “Буюртмачи” га таққослаш учун компьютер архивидан босмаланган солиштирма далолатномани такдим этади.

**3.1.6. “Томонлар”** ўзаро ҳисоб-китобда қолдиқ суммани аниқлашлари учун икки томонлама солиштирма далолатномани имзолашлари мумкин.

**3.1.7. “Буюртмачи”** фойдасига ижобий қолдиқ бўлганида шартнома муддати тугаганда ёки бекор қилинганда ёки “Буюртмачи” нинг талабномасига биноан “Ижрочи” солиштирма далолатномага асосан қолдиқ маблағини “Буюртмачи” га 3 (уч) банк куни ичида қайтариши лозим.

**3.1.8. “Ижрочи”** йил якунида, шартнома муддати тугаши ёки шартнома муддатидан олдин тугатилиши муносабати билан ҳамда лозим бўлганида, “Томонлар”нинг имзоси билан тасдиқланадиган, солиштирма далолатномасини расмийлаштириши зарур.

### **3.2. “Буюртмачи” ўз зиммасига кўйидаги мажбуриятларни олади:**

**3.2.1. “Буюртмачи”** олинадиган транспорт карталари ва тариф режалари пул маблағларини “Ижрочи”нинг ҳисоб рақамига ўтказиши ва транспорт карталари ва тариф режаларини ишончнома, шахснинг паспорти ва “Ижрочи” нинг банкдаги ҳисоб рақамига пул маблағлари тушгандан сўнг шартноманинг 3.1.2. бандида кўрсатилган муддатларда олиши лозим.

**3.2.2. “Буюртмачи”** оладиган транспорт карталари ва тариф режалари сони ва турини ўзгартирса, вақтинча олишни тўхтатса ёки шартномани бекор қилса, бу ҳақда “Ижрочи”га 20 (йигирма) кун олдин ёзма равишда хабар қилиши лозим.

**3.2.3. “Буюртмачи”** олинадиган транспорт карталари ва тариф режалари пул миқдори бўйича қарздор бўлиб қолса (шартноманинг 3.2.), шу қарзларни, қарз пайдо бўлган кундан бошлаб 5 (беш) банк иш куни ичида тўлаши лозим.

**3.2.4. “Буюртмачи”** йил якунида, шартнома муддати тугаши ёки шартнома муддатидан олдин тугатилиши муносабати билан ҳамда лозим бўлганида, “Томонлар”нинг имзоси билан тасдиқланадиган, солиштирма далолатномасига имзо чекиши лозим.

## **IV. “Томонлар”нинг ҳуқуқлари**

### **4.1. “Ижрочи” нинг ҳуқуқлари:**

**4.1.1. “Буюртмачи”** транспорт карталарини харид қилишда ва тулдиришда ушбу шартноманинг 3.2.1. бандида кўрсатилган муддатдан кейин мурожаат қилса, “Ижрочи” транспорт карталарини сотишга ва тариф режаларини тулдиришга эътироз билдириш ҳуқуқига эга.

**4.1.2. “Ижрочи”** муддати ўтган дебитор қарзларни “Буюртмачи” нинг розилигисиз унинг банки орқали бир томонлама расмийлаштирилган солиштирма далолатномасида акс эттирилган қарздорликни, тўлов талабномаси асосида талаб қилиш ва ундириш ҳуқуқига эга. “Буюртмачи” ушбу шартномани имзолаши билан ўзининг ҳисоб рақамидан тўлов талабномаси ва солиштириш далолатномасига асосан ўзининг розилигисиз қарз бўлган пул маблағларини “Ижрочи” томонидан олинишига розилик билдиради

### **4.2. “Буюртмачи” нинг ҳуқуқлари:**

**4.2.1. “Буюртмачи”** харид қилинган транспорт карталари ва тариф режалари бўйича ўзаро ҳисоб-китобларни таққослаш учун “Ижрочи”дан компьютер архивидан босмаланган солиштирма далолатномани бепул олиши мумкин.

**4.2.2.** Шартнома, унинг амал қилиш муддатидан илгари, бекор қилинган тақдирда солиштирма далолатномасига асосан “Буюртмачи” фойдасига пул маблағи қолдиғи мавжуд бўлган тақдирда, “Буюртмачи” ушбу қолдиқни “Ижрочи”дан қайтариб берилишини талаб қилиш ҳуқуқига эга.

## **V. Транспорт карталарининг сони, нархи ва сифати**

**5.1.** Сотилаётган транспорт карталарининг ва тариф режаларнинг нархи, тўла суммаси ва сони шартноманинг ажралмас қисми ҳисобланган счёт-фактура-юк хатида кўрсатилади.

**5.2.** Сотилаётган транспорт карталари сифати тайёрловчи ташкилотнинг техник талабларига жавоб беради.

## **VI. “Томонлар”нинг жавобгарлиги**

**6.1. “Буюртмачи”** томонидан тўлов муддати бузилса, у “Ижрочи” га ҳар кечиктирилган тўлов куни учун тўлов суммасининг 0,4 % миқдорида пеня тўлайди. Пеня миқдори кечиктирилган тўлов суммасининг 50 % дан ошмаслиги керак.

6.2. “Ижрочи” томонидан транспорт карталарининг бериш муддати бузилса, у “Буюртмачи” га ҳар кечиктирилган куни учун тўлов суммасининг 0,4 % миқдориди пеня тўлайди. Пеня миқдори кечиктирилган тўлов суммасининг 50 % дан ошмаслиги керак.

6.3. “Томонлар” ушбу шартнома бўйича ўз мажбуриятларини етарли даражада ёки тўлиқ бажармаганликлари учун Ўзбекистон Республикаси қонунчилиги асосида жавобгардирлар.

### **VII. Енгиб бўлмайдиган куч (форс-мажор) ҳолатлари**

7.1. “Томонлар” ушбу шартнома бўйича маъсулиятни қисман ёки тўла ҳолатда бажаришдан озод қилинадилар, агар бу ҳолат шартнома тузилгандан кейин енгиб бўлмас куч туфайли юзага келса, яъни фавқулодда ҳолатлар ҳар икки томон учун олдиндан қутилмаган ҳолатлар бўлиб, уларни оқилона тадбирлар билан енгиб бўлмаса (форс - мажор).

7.2. Ушбу фавқулодда ҳолатларга қуйидагилар киради: сув тошқини, ёнгин, зилзила, портлаш, бўрон, ер кўчиши, эпидемия ва табиатнинг бошқа офатлари, уруш ёки ҳарбий ҳаракатлар, фуқаролар тартибсизликлари, террористик ҳаракатлар ва ҳ.к.

7.3. Форс - мажор ҳолатлари вужудга келганда мажбуриятларни бажариш муддати ушбу ҳолатлар ва уларнинг оқибатлари давом этиши вақтига мутаносиб равишда узайтирилади.

7.4. Форс - мажор ҳолатига дучор бўлган томон 5 (беш) календар куни ичида шундай ҳолат юз бергани ҳақида бошқа томонни хабардор қилиши керак.

7.5. Форс - мажор юзага келиши ҳақида хабарнома вақтида юборилмаса, айбдор томон бошқа томонга етказилган зарарни тўлаши шарт.

7.6. Форс - мажор ҳолатларига ишора қилувчи томон, уларни тасдиқлаш учун, ваколатли давлат органининг ҳужжатини тақдим этиши шарт.

### **VIII. Низоларни ҳал этиш**

8.1. Ушбу шартнома ижросидан келиб чиқадиган барча низолар ва келишмовчиликларни “Томонлар” музокаралар йўли билан ҳал этишга ҳаракат қилишади.

8.2. Агар ушбу шартнома ижроси бўйича низолар ва келишмовчиликлар музокаралар йўли билан ҳал этилмаса, ушбу низолар Ўзбекистон Республикаси қонунчилигида белгиланган тартибда Тошкент шаҳар туманлараро иқтисодий судида ҳал этилиши лозим.

### **IX. Бошқа шартлар**

9.1. Мазкур шартнома имзолангандан кейин, мазкур шартномага тегишли бўлган “Томонлар” ўртасидаги барча олдинги ёзма ва оғзаки битимлар, ёзишмалар, “Томонлар”нинг ўзаро келишувлари ўз кучини йўқотади.

9.2. Сотилган транспорт карталари ва транспорт карталарига тўлдирилган тариф режалар қайтариб олинмайди ва алмаштирилмайди.

9.3. Мазкур шартнома бир хил юридик кучга эга бўлган икки нусхада, ҳар бир томон учун бир нусхадан, тузилади.

9.4. Мазкур шартномада назарда тутилмаган бошқа барча ҳоллар учун амалдаги қонун ҳужжатлари нормалари қўлланилади.

9.5. Мазкур шартномага барча ўзгартириш ва қўшимчалар, агар улар ёзма шаклда расмийлаштирилган ва “Томонлар” уларни имзолаган тақдирда, ҳақиқий ҳисобланади.

9.6. “Томонлар”нинг ҳеч бири, “Томонлар”нинг ёзма розилигисиз, ушбу шартнома бўйича ўзининг ҳуқуқ ва мажбуриятларини учинчи томонга бериши мумкин эмас.

9.7. Ушбу шартноманинг барча иловалари унинг ажралмас қисми ҳисобланади.

9.8. “Томонлар” шартнома (келишув) тузаётганларида шартномага (келишувга) имзо чекиш ҳуқуқи бўлган шахсларнинг факсимилеси механик ёки бошқа нусха қўчириш воситасида ишлатилиши мумкин, шунингдек, факсимиле ушбу шартнома доирасида керакли бўлган ҳужжатларга ҳам ишлатилиши мумкин, агарда Ўзбекистон Республикаси қонунчилигида факсимилени бу ҳужжатларда ишлатиш тақиқланмаган бўлса.

9.9. “Томонлар”, уларнинг юридик манзиллари ва банк реквизитлари ўзгарган тақдирда, ушбу ҳақида бир-бирларини 10 (ўн) кун давомида ёзма равишда хабардор қилишлари лозим.

### **X. Шартноманинг муддати**

10.1. Мазкур шартнома “Томонлар”нинг вакиллари имзолаган кунидан бошлаб кучга киради ва “ 31 ” *декабр* 20*26* йилгача амал қилади.

10.2. “Томонлар”нинг шартнома бўйича мажбуриятлари ижроси, шартноманинг амал қилиши муддати тугашидан қатъий назар, тўлиқ таъминлангунга қадар давом этади.

10.3. Агар “Томонлар”дан ҳеч бири ушбу шартноманинг амал қилиш муддати тугашидан камида 30 (ўттиз) календар кун олдин, муддати тугаши муносабати билан шартномани бекор қилиш нияти тўғрисида ёзма равишда хабар бермаса, у ҳолда ушбу шартнома ўша муддат ва олдинги шартларда, шартнома муддати тугаган куннинг эртасидан бошлаб узайтирилган ҳисобланади.

10.4. Агар “Томонлар”дан бири ушбу шартномани амал қилиш муддатидан олдин тугатилиши истагини билдирса, у ҳолда бошқа томонни камида 20 (йигирма) календар кун олдин ёзма равишда хабар қилиши керак.

## XI. “Томонлар”нинг юридик манзиллари ва банк реквизитлари

### “Ижрочи”

“Тошйўловчитрансхизмат” УК

100000, Тошкент шаҳар, Юнусобод тумани, Амир Темур 1-тор кучаси, 6-уй.

Тел.: (71) 233-08-48; (71) 233-58-21

Ҳисоб рақами: 2021 0000 3004 1519 8001, “ORIENT FINANS” хусусий акциядорлик тижорат банкининг Юнусобод филиалида, банк коди – 01075, Идентификация рақами СТИР (ИНН)- 201 121 832, ҚҚС тўловчининг рўйхатдан ўтган коди 326 030 021 078

### “Буюртмачи”

“Ўзбекистон Республикасидаги Банк” АТБ “Илмий ва таълимий банк”  
(корхона, ташкилотнинг номи)

Манзил: Тошкент ва Юнусобод тумани Шайх Муҳаммад Ҳусейн

Тел.: +99897 001-06-09

х/р 19909000400000440108

Банк номи “Ўзбекистон Республикасидаги Банк” АТБ “Илмий ва таълимий банк”

Банк коди 00440

Идентификация рақами СТИР (ИНН) 100833707

## XII. “Томонлар” имзоси

### “Ижрочи”

Директор

[Имзо]  
(имзо)

Ҳуқуқшунос

[Имзо] Н.Я. Далам хаматова  
Ҳуқуқшунос ЮК № 01715  
(имзо)



### “Буюртмачи”

Раҳбар

[Имзо] [Имзо]  
(имзо) (фамилия, исми, шарифи)

Ҳуқуқшунос

[Имзо] [Имзо]  
(имзо) (фамилия, исми, шарифи)

